

涉縣志卷七

知縣戚學標重修

雜誌類

古蹟

趙簡子城在縣東北井店村簡子索衛貢五百家欲歸之晉陽邯鄲大夫午不從遂殺午趙稷涉賓以邯鄲反使籍秦圍邯鄲又與荀寅范吉射為難寅奔邯鄲簡子卒拔之相傳此其駐兵處也舊有城址尚存

涉縣志

卷七

雜誌

一

壺關口即吾兒峪

明史作吾而谷宋韓魏公詩作吳兒谷

與黎城接壤

水經注壺關故黎國也有黎亭縣有壺口關本壺口關別為壺關口也涉故兼黎地兩縣皆得有之矣今潞安府別有壺關縣郡志以此為西壺關唐昭宗時葛從周將千騎潛自壺關夜抵潞州犯圍入城即其地也

毛城在毛嶺漢袁 拒曹操與審配議發檄使武安

長尹楷屯毛城通上黨運糧處城即其所築也今

尚存城址

北齊離宮在唐王山麓文宣帝高洋性侈好土木往來晉陽所遇多起離宮又信釋氏喜刻經像山上遺跡猶存或多誤爲神武帝高歡事今黎城武安林縣俱傳有歡避暑宮考歡一身創業無崇侈之事且爲魏相未篡位不得有宮傳載神武嘗諫魏主言持齋誦佛造寺粧金乃昇端惑民之術益証勒經鑿佛爲洋而非歡矣別詳唐王山條下岳尙書城縣西北十里臺村相傳梁尙書岳貞故里城卽其父子築

符山石馬世傳唐李靖微時過此夜投嫗家宿聞門聲甚急曰天符命行雨嫗謂靖曰吾子適他出煩郎君一行取黃頸韉青驄繫一小臧曰俟馬鳴卽出瓶中水滴馬鬣上勿也靖如命行意一滴何能濟旱遽下二三十滴次日視地水深三丈所乘馬卧地汗流乃石馬嫗已失所在今其地名馬佈村由此也
漠縣故城在今縣西二里清涼村或曰卽今故縣是云縣西者誤也

御寨在青頭山周嶺爲外邏城絕頂一峯爲天休臺
臺下坦處爲觀營殿又下坦處爲符闕山下舊有
後唐同光三年紀功碑見金石文字考蓋莊宗伐
梁由壺關出邢洛進取相州時駐兵處荒烟蔓草
中遺蹟猶髣髴可見云

宋大觀碑在縣城西南爲宋學宮舊址碑記剝落不
可讀有大觀字樣金石考疑云所載大率皆取士
行三舍法碑今已斷爲三

白雲亭在清泉寺明任令澄清建爲遊眺之地寺傍

石刻甚多有石壁鐫百丈丹梯四望山河入字邑
令羅濤書又有推官張玉車大書尋山及入山小
憩字又有萬歷間別駕趙東魯書採奇字貳守玉
鉞書入妙字其坐吟石大書係大夫陳乙仍書尤
奇古可愛不知何時人也

屏翰樓在響堂舖明嘉靖二十一年巡撫魏有本飭
屬建初本爲邊防設後遂爲一邑遊覽巨觀過者
多留詠

戰國太守馮亭故里在縣西乘雲社道傍有樹碑按

黎城志漢將軍馮奉世等皆亭之後舊志有亭墓
在縣西一里許古圖經又云在縣東三里韓王山
下傳說不同

漢三老令狐茂故里在響堂舖卽吾兒峪

宋武翼大夫崔國華故里在七原村

宋司農卿陳咸故里在合漳村按宏簡錄咸父升卿
官臺諫靖康從南渡遂留家臨安弟巨卿無子以
咸爲之後由南籍取應史不詳其本里失之也

明駙馬周景故里在原曲村景別籍安陽明史稱安

涉縣志

卷七

雜志

四

陽人實涉產也今村內尙有其父進士坊

明少卿王科故里在井店村

明少卿李棟故里在西戌村

明副史楊其廉故里在南岡

漢令狐茂墓唐十道志云涉縣有令狐塚在積布山
上黨記令狐茂隱城東山去郡六十里卒葬其處
輿地志潞安府壺關縣有令狐塚莫究其實也

梁尚書 父子墓在臺村山下

宋武翼大夫崔國華墓在七原村有金大定十四年

所撰墓志佚其名

宋楊將軍墓在楊家寨

宋襄節公陳寅墓在合漳寅死蜀中又當時南北距隔何得還葬故里或其子孫衣冠之葬耳

明少卿李棟墓在鳳岡村

明少卿王科墓在寨上村

明副史楊其廉墓在南岡村

溪王墓在縣西南隅一百五十步見古圖經不知何王墓也

劉尚書墓不知何時人墓在連泉村

麒麟塚在北關外明末縣民家嘗產麒麟鱗角殊異旋死座此里人至今呼爲麒麟塚

星石在邑治大門內石質赤黑而紋紫上有刻文石尖肖人面目相傳隕星所化

古槐樹邑有三皆植自唐宋一在故縣鎮大十數圍枝幹扶疎狀類虬龍一在灘裏村連數抱漳水夜發鄉人多依以避難一在上東村大六七圍枝葉密蔭蒼鬱可愛

潘王鼎在胡峪太山行宮明潘王恬爇鑄

祥異

元

延祐元年秋八月地震壞民廬舍壓死甚衆

明

嘉靖八年己丑星隕大饑人相食

十三年甲午星隕甚多

四十一年賊入境殺掠甚慘

四十三年漳水發漂沒南關溺死無數

涉縣志

卷七

雜志

六

萬歷九年至十一年俱旱

十五年麥秀三穗

十九年妖氣自西北來變婦人形專傷男子面目

四十三年地大震

四十五年大蝗

天啟六年六月初四日夜地震雞犬皆驚

崇正元年正月十七日陳家庄陳所抱家產麒麟

六年流賊入寇殺傷甚慘

十三年大饑人相食

國朝

順治二年五月大雨雹傷麥地震有聲

四年井店村江攀洪妻一乳產三男何登斗家牛

產犢五足一足在頂七月蝨恒雨

十一年七晝夜漳水發近漳田土悉被漂沒民苦

芒糧累至今

康熙四年大旱民饑

七年五月地震七月漳水漂沒民田

二十三年漳水大發冲毀民田

涉縣志

卷七

雜志

七

三十年春不雨無麥至六月乃雨忽有飛蝗蔽天
漫野青苗嚙傷俱盡合境饑居民流散

六十一年大旱民饑米涌貴

雍正元年禾大熟

乾隆二十四年大旱民饑六月二十六口漳水大發

漂沒民田

二十五年春大饑麥熟民多瘟死六月二十六日

漳水并城東旱河大發環城巨浪侵蝕田園

二十六年六月二十六日漳水大發入南關

二十七年六月二十六日大雨雹秋禾盡傷冰積三尺餘數日未消

四十八年七月內學署產紫芝三莖

五十年四月初十日酉刻黑風自北來咫尺不辨有火光見於黑氣中狂風大作

五十六七年大旱米麥昂貴斗米錢一千

五十九年六月二十四日漳水泛溢入南關毀民居城幾不保知縣戚露跪禱復將涉縣二字匾額投入水中水立退沿河地多漂沒

涉縣志

卷七

雜志

八

六十年五月十九日雨雹大如拳瓦屋俱損牛畜死者甚多

嘉慶二年六月馬佈村雷轟三人其一人立死其二人被龍傷傷痕如火烙

三年六月震雷董礦村牛被震死七隻

雜述

水經注漳水又東北逕壺關縣故黎國也呂后元年立孝惠後宮子武爲侯國漢有壺關三老公乘輿上書訟衛太子卽邑人也据此則上書訟者又

爲公乘興非令狐茂也今黎涉諸志並據漢書爲令狐茂事公乘興之名知者或罕焉

晉書太元十八年十月燕主慕容垂擊西燕慕容永正月次于鄴部分諸將分道壺關滏口沙庭以進永分道拒守垂乃屯鄴西南數月大軍由滏口入天井關伏兵邀其太行之還援者大破之又晉太和五年秦王猛圍鄴慕容垂自沙亭屯內黃此則今大名府之元城古沙麓非涉也

北齊書文襄欲往晉陽時赫連子悅除林慮守

今林慮縣

涉縣志

卷七

雜志

九

言臨水

北魏時縣名

武安二縣去郡遠山嶺重疊車步

艱難若東屬魏郡地平路近文襄笑謂卿徒知便民不覺損幹子悅答言此因民疾苦不敢以私負公據此北齊時臨水又嘗隸林慮矣

新唐書李師晦本宗室子始劉悟辟致幕府見從諫稍恣橫假言求長生術不與事從諫使歸東都師晦懼爲張谷陳揚庭等所譖請居涉從諫不之疑及從諫子積敗有爲帝言者擢伊闕令

唐昭宗大順六年朱全忠令朱崇節據潞州李克用

遣康君立李存孝圍之全忠遣驍將葛從周由壺
關夜抵潞州解其圍潞復歸克用當全忠之強克
用不敢出澤潞其後存勗嗣立脅下趙王鎔晉趙
爲一全忠轉畏之梁乾化元年聞沙陀兵欲出全
忠自如相州士卒多逃亡及貞明初張彥以澶衛
等州降晉存勗遂拔相州

明嘉靖時江浙征倭所募礦夫有河南嵩縣李和尚
李昶盧氏王九張文廣永寧馬雄張呂登封王試
宜陽葉張飛靈寶王九宰等而以涉縣夏時生長

涉縣志

卷七

雜志

十

其地習知礦場之事俾統領之時有戰功於浙見
籌海圖編邑志不載其官勲莫得而詳矣

涉邑明季數有土寇萬歷三十九年秋陝西客張汝
洪等挾貲至縣境猛虎村被劫鄉民逐盜出武安
西井村賊張甚數百人莫敢攖其鋒賴其地鄉民
王恩榮兄弟五人力救禦遂擒賊

明萬歷間磁州借武涉二縣驛馬暫用遂成陋例初
猶協濟銀兩繼遂輪派馬匹大爲民害武安知縣
設計除去兩邑之人皆德之

武安境內有白龜泉神祠禱雨輒應會武涉二邑並旱武令李茂椿祈於神雨大注而涉未也涉令蔡思續聞之移關於李請代禱亦隨禱而應關役回而四境已沾足矣李蔡二令各有靈泉祠祀記其事

李中杰成湯廟記崇正戊辰流寇起關中癸酉入涉境近我村落本村千餘家極力抗禦相持者一年迫十一月十七日賊大衆環攻勢不能支始棄村奔逃賊據更樂十一日始拔營南走我村向稱千餘家者僅存七八百戶而廟之東西廊亦大半燬祖龍矣

明史流寇傳初賊之破澤州也分其衆南踰太行掠濟源清化官軍擊之賊遁走別賊復闖入山西大掠順德眞定間大名道盧象昇力戰却賊賊自邪臺摩天嶺西下抵武安破總兵左良玉潞王告急詔遣總兵倪寵王樸率京營兵六千與諸將並進賊欲從河內走太行曹文詔邀擊之不敢進賊之敗於山西者亦奔河北合營高迎祥李自成張獻

忠曹操老獬獬等俱至京兵蹙其後左良玉湯九州等扼其前連戰於青店石岡石坡牛尾柳泉猛虎村屢敗之蓋崇正六年事也

又曹文詔傳崇正六年四月紫金梁老獬獬自榆社走武鄉過天星走高澤文詔皆擊敗他賊圍涉縣聞文詔破賊黎城解去五月賊犯沁水文詔擒其魁大虎又敗之遼城毛嶺已而賊敗鄧玘兵於林縣文詔率五營兵夜襲破之涉境之得全文詔力也

涉縣志

卷七

雜志

十二

崇正五年臘月流賊邢紅狼破遼州其明年冬賊之自西來者皆屯上遙時左良玉駐涉黎邑令陳夢瑋令李孝廉甲黃爲書請救良玉自涉赴之賊望見遁去

又十七年李自成陷京師其黨破武涉林縣都司高應詔拒之戰死倪村

考辨

涉分野舊屬昴畢以本冀州域也貴志改從室壁以涉春秋時衛地營室東壁衛之分野前明郡志主

此不敢異也考古分星皆自始封時言之衛始封在殷墟涉別自爲國其分星未必卽同室壁晉天文志昴畢趙之分野屬冀州涉雖至戰國人趙就冀域大概言當屬昴畢明清類天文分野書彰衛懷三郡皆室壁分而獨彰屬之磁州別爲昴畢分涉固磁舊轄分星當同之

春秋時涉屬衛此相沿舊說非實據也衛在今衛輝淇縣相距四百里未必廣地至此杜預春秋土地名無沙侯國見於漢志亦不言其始封唐十道志

云漢沙漠尋沙漠之稱以春秋地勢考之蓋狄地耳詩旄邱傳黎侯爲狄所滅地卽今黎城與涉連壤狄則在潞安府左傳所謂潞子是已又先軫敗狄於箕其地在今遼州亦涉連境是涉之西南兩界固爲狄矣且狄旣滅黎其後并衛亦爲所滅疑太行迤東依山傍險莫非狄之所在蓋春秋時狄多與中國錯處以其僻在山林不通朝貢且種類不一好事攻伐故中國從而外之其實各自立國有君長子民也沙之爲國意亦如是其稱沙者以

地爲沙漠耳至後晉漸併諸狄則地遂爲晉有不復知爲狄而漢世猶傳有沙漠之稱唐至立漠縣踪跡殆可得而尋云

舊志人物首列狐突以縣境有其廟元人顏之啟曾記之然顏記但稱其忠節當祀未嘗以爲邑產也据檀弓申生稱突爲伯氏則晉之同族据史記突爲狐偃之父偃文公舅也文公母家在翟則突又當爲翟人豈涉產再獻公時晉地不能至涉史傳可考存其廟可矣列入人物徒足爲笑耳

相傳縣東韓王山爲韓信駐節處舊志以信從夏陽渡軍襲安邑虜魏豹及由井陘間道學趙皆去縣絕遠不宜來萬山中駐兵考淮陰侯傳信擒夏說闕與正義云闕與聚城在潞州銅鞮縣此則潞州境距此甚邇或當時兵從縣過未可知又今安陽東北有韓陵相傳亦韓信屯兵處信旣於鄴過師則間道走涉出山西取途固甚便也史言大概焉得以其不載盡疑後人之附會耶

岳貞父子尚書在梁武帝時攷梁武時北土盡屬元

魏又爲東魏高歡分據正與梁爲敵國何緣貞兩世仕梁爲尙書豈貞北人寄籍江南抑本南人仕尙書而入北如周庾信耶今邑有其故里并父子墓俱疑案也

今士大夫往來書札並稱涉爲刈陵考刈陵本漢潞城縣後魏始改刈陵隸襄垣郡黎城固其縣地得稱刈陵無緣涉亦稱之雖涉嘗爲潞屬毗連黎境古今沿革不同無事捨古沙舊名而與黎人爭刈陵也

涉縣志

卷七

雜志

十五

縣西唐王山崖壁勒釋典後有唐文宗太和六年丙寅字跡世傳唐文宗駐蹕此山下考唐自肅宗後河北悉爲藩鎮割據涉屬潞州隸昭義軍其爲劉從諫父子所據已數世矣文宗安得來此且文宗元年丁未六年乃壬子並無丙寅殆後來作僞者所爲考史惟唐莊宗伐梁曾過此其山上經像則北齊文宣帝高洋刻金胡礪武安長樂寺碑及國朝武安令陳灝志辨可互証也

舊志載陳咸紹興中進士據此則距開禧時吳曦之

反幾八十年時事殊不符又咸並未爲利州路轉
運判官其進秩係司農少卿非寶謨閣待制志傳
潦草失實據史傳正之

補遺

紀事本末崇正六年正月丁未左良玉敗賊於涉縣
西斬其渠賊望見旗幟皆靡謀渡河南犯五月庚
申曹文詔夜襲賊於偏店賊亡走墜山谷者亡筭
諸將會兵逐之沙河旣而河北賊陷涉縣六月乙
丑川兵潰於林縣丙寅河北賊圍林涉諸邑

涉縣志

卷七

雜志

十六

存疑

連泉村劉氏譜始祖成官御史中丞階光祿大夫勲
上柱國生四子長進次德次偏次某某與德後皆
別遷進有子四其長曰斌都指揮使四光先未仕
偏之子曰仲先仕至尙書二子後遷海島自斌以
下曰榮曰智曰義曰春曰尙忠曰鑑襲指揮光先
子承官尙書省承子安千戶自安以下曰剛曰相
曰紳亦襲指揮共襲職九代安弟紀別任同知歷
世仕宦惟紳見西明寺碑正德時人餘無考然村

西至今傳有尙書墳譜或非妄以時代核之斌指
揮仲先尙書皆宜在明初共祖父 金元間人女
獻無徵姑志以備考